

**MICROFILMED 2002  
THE CLASSICS LIBRARY  
UNIVERSITY OF ILLINOIS  
AT URBANA-CHAMPAIGN  
URBANA, IL 61801**

**AS PART OF THE  
DITTENBERGER-VAHLEN  
CIC 6 PRESERVATION GRANT  
PROJECT**

**Funded by the  
National Endowment for the  
Humanities**

**Reproduction may not be made without  
permission from The Classics Library,  
University of Illinois at Urbana-Champaign.**

# **COPYRIGHT STATEMENT**

**The copyright law of the United States (Title 17, United States Code) governs the making of the photocopies or other reproductions of copyrighted material including foreign works under certain conditions. In addition, the United States extends protection to foreign works by means of various international conventions, bilateral agreements, and proclamations.**

**Under certain conditions specified in the law, libraries and archives are authorized to furnish a photocopy or other reproduction. One of these specified conditions is that the photocopy or reproduction is not to be "used for any purpose other than private study, scholarship, or research." If a user makes a request for purposes in excess of "fair use," that use may be liable for copyright infringement.**

**The institution reserves the right to refuse to accept a copy order if, in its judgment, fulfillment of the order would involve violation of the copyright law.**

AUTHOR: Ludwig, Vincent  
George August

TITLE: De jure adcrescendi :  
dissertatio I

PLACE: Lipsiae

DATE: 1817

# BIBLIOGRAPHIC RECORD TARGET

The Classics Library  
University of Illinois at Urbana-Champaign

CIC 6 / NEH Dittenberger-Vahlen Microfilming Project

Storage Number : 00-0231.7

Ludwig, Vincent George August.

De jure ad crescendi : dissertatio I / Vincentius Georgius Augustus Ludwig.

Lipsiae : Staritzii, 1817.

38, [4] p. ; 22 cm.

1. Roman law. 2. Legacies (Roman law) 3. Inheritance and succession (Roman law) I. Title.

Language: Latin.

Note(s): Includes bibliographical references.

OCLC: nc

## Technical Microfilm Data

Microfilmed by  
Preservation Resources  
Bethlehem, PA


On behalf of  
The Classics Library  
University of Illinois at Urbana-Champaign  
Urbana, IL

---

Film Size:	35mm microfilm
Reduction Ratio:	<u>11 : 1</u>
Image Placement:	IA <u>(IIA)</u> IB IIB
Date filming began:	<u>12-9-02</u>
Camera operator:	<u>K. Jones</u>

---

# PM-MGP METRIC GENERAL PURPOSE TARGET PHOTOGRAPHIC



## PRECISION<sup>SM</sup> RESOLUTION TARGETS



A & P INTERNATIONAL  
715/262-5788 FAX 262-3823  
577 LOCUST ST.  
PRESCOTT, WI 54021



DE

# IVRE AD CRESCENDI

DISSERTATIO I.

---

QVAM

ILLVSTRIS ICTORVM ORDINIS AVCTORITATE

P R A E S I D E

D. IOHANNE GODOFREDO MÜLLERO,

PROFESSORE IVRIS EXTRAORDINARIO, SVPREMAE CVRIAE  
REGIAE CONSILIARIO, FACVLTATIS IVRIDICAE  
ASSESSORE,

DIE XXVII. MARTII A. C. MDCCCXVII.

H. L. Q. C.

D E F E N D E T

AVCTOR

VINCENTIVS GEORGIVS AVGVSTVS LVDWIG,

LEIPZIGENSIS.

---

L I P S I A E

LITTERIS STARITZII, TYPOGR. VNIVERS.

SECRET



P A T R I O P T I M O

PIETAS FILII

Q W I T 9 0 1 8 1 1 4

1 2 3 4 5 6 7 8 9 10

## PATER OPTIME,

Quamquam, quod vulgo fit, minoris pretii aestimatur, exemplum tamen filiorum familias sectari utique licet, qui Commentationibus suis tanquam studiorum speciminibus patrum suorum nomina praeponere consueverunt. Igitur, PATER OPTIME, sinas, ut equidem Tuo erga me amore commotus hoc primum meae lucubrationis specimen in Litterarum Universitate Lipsiensi edam Tuo nomine venerando ornatum. Neque profecto opportunior mihi nascitur occasio, qua equidem animum Tibi deditissimum illa reverentia, quam honesti ratio exigit atque gratitudinis pietatisque officium postulat,

publice possim testificari. Incolumem Te Summi  
Numinis favor conservet, quo diutius una cum  
Matre carissima recolere fronte serena valeas memo-  
riam diei, quo primitias laborum meorum Tibi  
mente pia consecrare licuit, quemque inter dies vi-  
tae meae faustissimos referam.

Tuus, PATER OPTIME,

Filius obsequiosissimus.

---

## C a p u t I.

### *Notio iuris adcrescendi.*

#### §. 1.

Inter varias causas, ex quibus rerum dominium adquiritur, in doctrina de iure hereditario invenitur ius, quod vulgo iuris adcrescendi nomine venit. Quae quidem materia etsi pluries et a doctissimis iuris interpretibus iam tractata est, ausus tamen et ego sum, eandem denuo persequi, sententiamque meam de eo profiteri, de quo Iurisconsulti, utpote quibus id ipsum argumentum, quo excellit Iurisprudencia, facillimam omnino ansam dubitationis praebuit, passim certarunt.

#### §. 2.

Negotium vero, quod praeprimis mihi incumbere puto, in eo consistit, ut illorum Virorum, qui in pertractando iure adcrescendi praecesserunt, faciam mentionem. Et quidem primus, qui duos scripsit libros de iure adcrescendi, est Francisc. Duare-

nus <sup>a)</sup>), cui proxime adiungendi sunt Francisc. Ramos del Manzano <sup>b)</sup>), Henric. a Suerin <sup>c)</sup>), Thomas. Papillonius <sup>d)</sup>), Emund Merillius <sup>e)</sup>), Samuel de Cocceii <sup>f)</sup>), Io. Frid. Nauendorffius <sup>g)</sup>), Scip. Gentilis <sup>h)</sup>) et Godofr. Ludov. Menkenius <sup>i)</sup>). His iterum adiiciendi sunt Hug. Donellus <sup>k)</sup>), Iac. Cuiacius <sup>l)</sup>), Arnold. Vinnius <sup>m)</sup>),

a) *Operum*, quae Lugduni 1584. prodierunt, pag. 1438. seqq.

b) *Ad Titulos Dig. de legat. et fideicommiss. primo, secundo et tertio, praelectiones publice recitatae* a. 1642. et 1643. Parte II. in Gerard. Meermannii *Nouo Thesauro iuris ciuilibis et canonici*. Tom. VII. pag. 280. Hagae Comitum. 1753.

c) *Quaestionum de usufructu adcrecendo Liber unus*, in Ottonis *Thesaur. iuris Romani*. Tom. IV. pag. 97. Lugduni Batavorum. 1729.

d) *De iure adcrescendi libellus* in Ottonis *Thes. iur. Rom.* pag. 765.

e) *Obscurorum seu de iure adcrescendi et coniunctionis Liber singularis* in Ottonis *Thes. iur. Rom.* pag. 1757.

f) *Ius civ. controvers.* Lib. XXX. XXXI. et XXXII. pag. 550. Francof. et Lips. 1729. 4.

g) *Disputat. de iure adcrescendi*, Praef. Io. Aug. Bachio. Lips. 1754. 4., quae etiam reperitur in Io. Aug. Bachii *Opusculis* ex editione Klotzii. Halae, 1767. 8. No. VIII. pag. 323.

h) *Tractat. de iure adcrescendi* in eius *Operib.* Neapoli. 1763. 4. Tom. I. pag. 175.

i) *Disputat. de iure adcrescendi, vendita hereditate, ad emptorem pertinente* in eius *Opusc.* Halae prope Salam. 1770. 8. No. IX. pag. 261.

k) *Commentar. de iure civili*. Lib. VII. Cap. XII. et XIII. pag. 153. et Lib. VIII. Cap. XXI. pag. 289. Francof. 1589. fol.

l) *Opera, quae de iure fecit etc.* Francofurti. 1595. fol.

m) *In quatuor libros Instit. imperialium Commentar. academic. et forens.* Lib. II. Tit. XIV. pag. 382. et Lib. II. Tit.

Io. Gottl. Heineccius<sup>n)</sup> et Cornel. van Bykershoek<sup>o)</sup>.

§. 3.

Ipsa deinde iuris adcrescendi notio modo latius, modo strictius concipitur. Latius si accipitur ius adcrescendi, illud ius intelligitur, *quo unumquodque patrimonii augmentum capitur*<sup>p)</sup>. Strictius sumtum est ius, *quo portio vacans hereditatis legative coniuncto heredi legatariove, qui suam partem acceptavit, acquiritur*. Amplius idem ius Iac. Cuiacius ita descripsit, ut haberet pro *iure retinendae vel nanciscendae partis eius, qui non concurrit vel concurrere defuit*<sup>q)</sup>. Si igitur ex pluribus coheredibus vel collegatariis alter deficit, quia partem sibi delatam recusat, vel ex aliqua causa eam adire atque sibi adquirere non potest, ipsa haec pars, quae nunc facta est vacua, reliquis coheredibus vel collegatariis secundum regulas, legibus praescriptas, adcrescendo acquiritur. Locum

XX. pag. 485. Norimbergae, 1726. 4.

n) *Ad Legem Iuliam et Papiam Poppaeam Commentar.* Lib. III. pag. 359. Amstelæd. 1751. 4.

o) *Observationum Iuris Romani quatuor Libri.* Lib. II. Cap. III. pag. 79. Francofurti et Lipsiae, 1759. 4.

p) L. 50. princ. et L. 56. princ. D. de acquirendo rer. dominio. Menken. Disp. de iure adcrefc. etc. §. 2.

q) Paratill. in Dig. de Usufructu accrescendo et ad African. Tractat. V. ad L. 56. §. 2. D. de usufruct. et quemadmodum. pag. 441. Oper. Francof. 1595.



proinde habere nequit ius adcrefcendi, fi heres ex afle  
 eft institutus, qui hereditatem acquirere non vult vel  
 non poteft. Eo enim cafu ab inteftato fuccedunt pro-  
 ximi heredes legitimi <sup>r)</sup>, inter quos ius adcrefcendi ite-  
 rum exercetur, quando alter eorum deficit. Nititur  
 ergo ius accrefcendi praecipue in coniunctione here-  
 dum vel legatariorum, fubtrato tamen in utrifque  
 plane diverfo fundamento.

#### §. 4.

Heres legatariusve partem fibi delatam acquire-  
 re nequit, fi 1) uterque ante teftatorem moritur <sup>s)</sup>,  
 2) heres poft obitum teftatoris quidem, fed ante aper-  
 tas tabulas vitam exspiravit <sup>t)</sup>, 3) heres aequae ac lega-  
 tarius fimpliciter vel in ea fpecie, de qua agitur, ex  
 fingulari caufa caret teftamentifactione paffiva, quo  
 quidem cenfu reputati quoque funt filii eius, qui  
 crimen laefae maieftatis commifit <sup>u)</sup>, nec non apoftha-

r) L. 80. princ. D. de adqui-  
 renda vel omittenda hereditate.

s) L. un. §. 2. 3. 4. C. de ca-  
 ducis tollend.

t) L. un. §. 2. et 5. C. de ca-  
 duc. tollend.

u) L. 5. §. 1. C. ad Leg. Iul.  
*Maieft.*, cuius verba funt: *Filii*  
*vero eius, maieftatis rei, quibus*  
*vitam Imperatoria fpecialiter*  
*lenitate concedimus, (paterno*

*enim deberent perire fupplicio,*  
*in quibus paterni, hoc eft, he-*  
*reditarii criminis exempla me-*  
*tuuntur,) a materna vel avita,*  
*omnium etiam proximorum*  
*hereditate ac fucceffione ha-*  
*beantur alieni, teftamentis ex-*  
*traneorum nihil capiant, fint*  
*perpetuo egentes et pauperes,*  
*infamia eos paterna femper*  
*comitetur, ad nullos prorfus*



tae <sup>v)</sup>, et haeretici <sup>w)</sup>; denique si 4) sub conditione heres est institutus legatumve relictum, et conditio deficit aut heres legatariusve ante eventum conditionis mortem obiit <sup>x)</sup>.

## C a p u t II.

### *Iuris ad crescendi historia.*

#### §. 5.

Defunt rerum Romanarum monumenta, quorum fide prigo iuris ad crescendi in causa hereditaria ad tempora duodecim Tabulis vetustiora referatur. Leges decemvirales, quibus successio hereditaria tam e testamento, quam ab intestato definita est, rationem satis idoneam suppeditarunt, unde per interpretationem partim regula, iuxta quam nemo pro parte testatus, pro parte intestatus decedere poterat, derivaretur, partim prima stamina iuris ad crescendi deducerentur. Praecessit procul dubio usus eiusdem iuris inter coheredes; accessit postmodum illius observatio inter colle-

*honores, ad nulla sacramenta perveniant, sint postremo tales, ut his perpetua egestate fordidibus sit et mors solatium et vita supplicium.*

v) L. 3. C. de apostatis.

w) L. 4. et L. 5. C. de haereticis.

x) L. un. §. 7. C. de caduc. tollend. L. 31. et L. 69. D. de condit. et demonstrat.

gatarios \*). Firmitate iam ante Augusti aevum mos pollebat, quo portio vacans hereditatis et legati iis coheredibus et collegatariis cedebat, qui hereditatem adibant legatumque agnoscebant.

§. 6.

Mutatum autem ius adcrescendi est per Legem Iuliam et Papiam Poppaeam, in altera quippe parte, quae vulgo Lex caducaria vel de caducis appellatur. Sunt enim hac lege quatuor casus exemti, quibus pars vacans neque coheredibus neque collegatariis concedebatur, sed potius populo addicebatur. Ipsius Legis verba, quibus quatuor casus descripti sunt, talia fuisse perhibentur: I) *Si quicumque hominum heres legatariusve, vivo testatore, post testamentum conditum decedet, conditione deficiet, relictum in causa caduci esto et populo quasi caducum defertor* <sup>b)</sup>; II) *Sive heres pro parte legatariusve, quibus pure vel in certum diem hereditas legatumve relictum erit, post mortem testatoris ante apertas tabulas testamenti decedet vel pereger fiet, ea hereditatis pars legatumve caduca sunt, populoque deferuntur* <sup>c)</sup>; III) *Sive caelibis vel alteri cuiusvis plus, quam ex H. L. licebit, relictum erit, et id caducum*

a) Vid. Io. Gottl. Heinecc. *ad legem Iuliam et Papiam Poppaeam* Commentar. Lib. III. Cap. IX. §. II.

b) Heinecc. cit. loc. Lib. III. Cap. V. §. I.

c) Heinecc. loc. not. Lib. III. Cap. VI. §. I.

*est populoque vindicator*<sup>d)</sup>; IV) *Sive heres legatariusve post mortem testatoris ante eventum conditionis deficiat, hereditas legatumve caduca sunt populoque deferuntur*<sup>e)</sup>.

### §. 7.

Secundum verba *Legis caducariae* antea in medium collata ab eo tempore inde, quo illa vim capiebat, usus iuris adcrescendi penitus cessavit, ubi I) heres vel legatarius condito quidem testamento, vivo autem adhuc testatore, mortuus erat, aut conditio defecerat, II) heres vel legatarius post mortem quidem testatoris, attamen ante apertas tabulas decesserat capitisve deminutionem passus erat<sup>f)</sup>, qua statum civitatis et cum hoc simul testamentifactionem passivam amiserat; III) ubi caelibis aliive, qui incapax erat, in testamento plus, quam per legem fieri poterat, relictum erat<sup>g)</sup>; denique IV) ubi heres legatariusve ante eventum conditionis morte perierat. Extra hos casus salvum in tempus futurum substitit ius adcrescendi, sive de hereditate coheredum sive de legato collegatariorum quaestio intercederet<sup>h)</sup>.

d) Heinecc. loc. cit. Lib. III. Cap. VI. §. I.

e) Heinecc. loc. memorato Lib. III. Cap. VI. §. I.

f) Princ. et §. 1. et 2. I. de capitis deminut.

g) Vid. Heinecc. loc. not. Lib. III. Cap. VI. §. III.

h) Vid. Heinecc. loc. cit. Lib. III. Cap. IX. §. II. et Io.

Frider. Nauendorff. Diss. de iure adcrescendi.

## §. 8.

Uti alia capita Legis Iuliae et Papiae Poppaeae pedetentim aut abrogata sunt, aut in desuetudinem abierunt, ita capita Legis Caducariae de quatuor casibus exemptis Iustiniano inopportuna et iniusta visa sunt. Quapropter Imperator haec quoque sustulit, iusque adcrescendi eam vim recipere voluit, qua usque ad Legem Iuliam et Papiam Poppaeam inter Romanos valuerat. Mentem vero abrogationis Iustinianus ita expressit: *) Et nomen et materiam Caduco-*

i) L. un. princ. C. de caduc. tollend. Adfirmavit quidem Ludov. Jul. Frid. Höpfnerus Commentar. über die Heineccischen Institutionen. Lib. II. Tit. XIV. §. 492. animadv. 4., caput de l. casu ob Senatusconsultum Trebellianum, de quo §. 4. l. de fideicommissariis hereditat. atque l. 1. §. 1. D. ad Senatuscons. Trebellian. Speciatim agitur, vi sua destitutum esse. At vero Senatusconsultum exitu suo carebat, nisi heres fiduciarius hereditatem, in qua institutus erat, adiret. Decrevit enim Senatus, imperante Nerone Trebellioque Maximo et Annaeo Seneca Consulibus, in haec verba: *Cum esset acquisitum, in omnibus fideicom-*

*missariis hereditatibus, si quae de his bonis iudicia penderent, ex his eos subire, in quos ius fructusque transferretur, potius, quam cuique periculosam esse fidem suam, placet, actiones, quae in heredem hereditibusque dari solent, neque in eos neque his dari, qui fidei suae commissum, sicuti rogati essent, restituisent, sed his et in eos, quibus ex testamento fideicommissum restitutum fuisset, quo magis in reliquum confirmantur supremae defunctorum voluntates. Capitis de primo casu eventus tum demum existeret, cum heres institutus morte sua vel conditione deficiente ab hereditate arceberetur.*



rum ex bellis ortam et auctam civilibus, quae in se populus Romanus movebat, necessarium duximus, Patres conscripti, in pacificis nostri Imperii temporibus ab orbe Romano recludere, ut, quod belli calamitas introduxit, hoc pacis lenitas sopiret. Et quemadmodum in multis capitulis lex Papia ab anterioribus Principibus emendata fuit et per desuetudinem abolita, ita et a nobis circa Caducorum observationem invidiosum suum amittat vigorem, qui et ipsis prudentissimis viris displicuit, multas invenientibus vias, per quas caducum non fieret. Sed et ipsis testamentorum conditoribus sic gravissima Caducorum observatio visa est, ut et substitutiones introducerent, ne fiant caduca, et, si facta sint, ad certas personas recurrere disponerent, vias recludentes, quas Lex Papia posuit in Caducis: quod et nos fieri concedimus. Et cum Lex Papia ius antiquum, quod ante eam in omnibus simpliciter versabatur, suis machinationibus et angustis circumcludens, solis parentibus et liberis testatoris usque ad tertium gradum, si scripti fuerant heredes, suum imponere iugum erubuit, ius antiquum intactum eis conservans; nos omnibus nostris subiectis sine differentia personarum hoc concedimus.

### C a p u t III.

#### *Fundamentum iuris adcrescendi.*

##### §. 9.

Diversum iuris adcrescendi est fundamentum, pro-  
uti aut inter coheredes aut inter collegatarios exerce-  
tur. Inter coheredes enim ius illud locum habet ad  
conservandam regulam iuris: *Nemo pro parte testatus,  
pro parte intestatus decedere potest*<sup>a)</sup>. Inter collega-  
tarios vero idem ius nititur in praesumptione, nolle  
testatorem, ut res legata ad heredem institutum per-  
veniat. Regula, qua fulcitur ius adcrescendi inter  
coheredes, necessario negligitur, si, condito testamento,  
in quo plures heredes instituti sunt, altero ex his  
portionem suam adire recusante vel non valente, por-  
tio, quae nunc facta est vacua, ad heredes legitimos,  
qui ab intestato succedunt, transfertur. Ne itaque  
regula, a Romanis recepta, ob defectum heredum  
institutorum ullatenus falleret, Prudentes in civitate  
Romana invenerunt ius adcrescendi, quo hereditas  
herede vacua reliquis heredibus non deficientibus con-  
tingeret, voluntasque testatoris impleretur.

##### §. 10.

Regula iuris Romani, neminem pro parte testatum,  
pro parte intestatum decedere posse, causam procul

a) §. 5. I. de heredib. insti- tuend. L. 7. D. de Reg. Iur.

dubio habuit ex Legibus duodecim Tabularum, altera: *Puter familias uti legassit super pecuniae tutelaeve suae rei, ita ius esto*; altera: *Ast si intestato moritur, cui suus heres nec escit, agnatus proximus familiam habeto. Si agnatus nec escit, gentilis familiam heres nancitor* <sup>b)</sup>). Comparatio utriusque Legis satis indigitat, successionem ex testamento et legitimam sibi invicem ita oppositam esse, ut testamentaria legitimam excluderet, ideoque testamentaria pariter, atque legitima, in omnia defuncti bona fieret essetque eatenus universalis. Quam ob rem quemque civem, sive populi suffragiis in Comitibus sive per aë et libram testaretur, de omni sua re tamdiu disponere oportuit, donec Legum decemviralium sanctiones per legislatores mutarentur, successioque utriusque generis in eandem hereditatem admitteretur. Huiusmodi vero mutationem per legem Romanam haud secutam, quin potius regulam pristinam in iure Iustiniano adprobatam esse, historia Iurisprudentiae Romanae abunde docet. Neutiquam quidem latet, militi pro parte testari licuisse <sup>c)</sup>; verum ea exceptio iure exemptionis a lege communi convalescere incepit <sup>d)</sup>).

b) Vid. Io. Aug. Bachii *Histor. Iurisprud. Roman.* ex I. Frid. Hermann. Exer. edit. Stockmann. 6ta. Tab. V. pag. 48. Lips. 1806.

c) L. 19. §. 2. D. de castrensi peculio. L. 6. et L. 37. D. de testamento militis.

d) Fufius regulam discussit Io. Frid. Hermann. Exercit. de causis, cur idem et testatus et intestatus decedere non possit, prael. Christ. Gottl. Haubold. Lips. 1788. 4.

## §. 11.

Exinde porro clare apparet ratio, cur testatores defecerit licentia prohibendi, quominus iuris adcre- scendi usus inter coheredes subsisteret <sup>g</sup>), nisi per mo- dum substitutionis hunc finem impetrari placeret. Nam qui heredi deficienti alterum ex coheredibus substitue- bat, regulam consulto sectabatur; atque simul cave- bat, ne exercitium iuris adcrescendi successioni here- ditariae immisceretur, quippe cum efficeret, ut portio heredis instituti, si deficeret, nequaquam vacua red- deretur, sed, reiecto iure adcrescendi, heredi substitu- to acquireretur.

## §. 12.

Fundamentum iuris adcrescendi, inter collegato- rios obtinentis, Iurisconsulti in praesumptione colloca- runt, voluisse testatorem, ut res legata iure legati po- tius caperetur, quam in hereditate subsideret et iure hereditario penes heredem institutum esset <sup>h</sup>). Uti enim testator pro arbitrio suo rem pluribus legabat, adiecta lege, ut, si alter ex collegatariis deficeret, por- tio eius reliquorum portionibus adcresceret, ita eadem voluntas merito supponebatur in testatore, qui pluri-

e) Facit huc illud, quod *Leges in suo testamento locum ha-*  
 55. D. de legat. 1. generatim *beant.*  
 expressum est: *Nemo potest in*  
*testamento suo cavere, ne Leges*

f) Conf. Heinecc. ad *Le-*  
*gem Iul. et Pap. Poppaeam*  
 Comment. Lib. III. Cap. IX. §. II.



bus idem legatum absque illa lege adposita relinquebat, quoniam ab initio rem legati nomine ab hereditate separabat. Sive autem verbis expressis sive tacite iuri ad crescendi inter collegatarios faveret, neutro casu necessitas regulae, a qua idem ius inter coheredes suspendebatur, voluntatem testatoris legantis vel urgebat vel adiuuvabat, quoniam, etiam si secus statueret, regula ab ipso minime laedebatur. Idcirco testator, qui legatum in multorum gratiam disponebat, usum iuris ad crescendi nulla lege adversante vetabat aut praecipiebat, sicuti potiore erga heredem oneratum vel erga legatarios ducebatur favore.

### §. 13.

Latius adeo patebat libertas testatoris, qui testamentum more militari condebat. Etenim milites propter singulare beneficium, sibi ob imminens vitae periculum concessum, <sup>g)</sup> sine discrimine tum coheredibus tum collegatariis iure ad crescendi pari licentia interdicebant. Namque milites iure suo pro parte testati decedere poterant, pro parte intestati. Proinde obtemperandum erat testamento militari, quo testator declaraverat, abstinendum heredibus institutis esse a iure ad crescendi, quando unus alterve eorum deficeret: fi-  
nente quippe privilegio, legitimi testatoris heredes in portiones vacantes libere succedebant.

g) L. 1. L. 34. L. 35. L. 40. L. 15. C. de testamento militis. princ. D. de testamento militis. Princ. I. de militari testamento.

## C a p u t IV.

*De iure adcrescendi inter coheredes.*

## §. 14.

*Coheredes* dicuntur, quoad hereditatis consortio tenentur. Hereditatis vero consortes singularis intercedit nexus, quo hereditatis communicatio propius definitur. Idem singularis coheredum nexus vocatur coheredum *coniunctio*. Ea causam suam habet modo ex lege modo ex ultima voluntate, prouti hereditas aut per legislatoris sanctionem aut per testatoris dispositionem defertur. Medium coniungendi coheredes, quo legislator et testator utuntur, vel ipsa res, cuius consortes redduntur, vel formula est, qua hereditatis delatio exprimitur, vel denique in re atque formula simul consistit. Hinc est, quod tria coheredum genera discernuntur, quorum primum *re*, secundum *verbis*, et tertium *re et verbis* sive *mixtim coniunctos* complectitur. Coheredes I) *re coniuncti* sunt, qui *ad unam eandemque hereditatem in diversis propositionibus sunt vocati*, veluti: A. heres esto, B. heres meus esto, et C. heres esto <sup>a)</sup>, quibus aequiparandi sunt heredes, penes quos pari iure legitima est successio. Coheredes II) *verbis coniuncti* intelliguntur, qui *in una eademque quidem propositione, sed adiectis partibus sunt instituti*,

a) L. 89. D. de legat. 3. L. 142. D. de verb. significat.

exempli gratia: A. B. et C. aequis partibus heredes sunt, aut: A. ex semisse, B. ex quadrante, et C. ex quadrante heredes sunt<sup>b)</sup>. Coheredes III) *re et verbis* seu *mixtim coniuncti* accipiuntur, qui in una eademque *propositione*, *partibus haud adiectis*, sunt instituti, verbi causa: A. B. et C. heredes sunt<sup>c)</sup>.

### §. 15.

Coniunctio coheredum legem hereditatis divisioni dat, quam illos, adita hereditate, sequi oportet<sup>d)</sup>. Iunguntur enim coheredes eo consilio, ut omnes hereditatis participes fiant, cuius causa coniunguntur. Quocirca principia, quibus divisio hereditatis regatur, haec sunt tenenda: 1) *Inter coheredes re coniunctos hereditas aequis partibus distribuitur*, utpote cum singuli ad eandem hereditatem sint vocati, ideoque pari iure potiantur, adeo, ut tot fiant partes aequales, quot sunt coheredes, sive ex testamento sive ab intestato succedant; 2) *Inter coheredes verbis coniunctos hereditas secundum partes adiectas dividitur*, quoniam ipse testator suam cuique partem hereditatis communis addixit, atque hoc modo ius singulorum determinavit; 3) *Inter coheredes re et verbis sive mixtim coniunctos hereditas partibus aequalibus distribuitur*,

b) L. 89. D. de legat. 3. L. 142. D. de verb. significat.

c) L. 89. D. de legat. 3. L. 142. D. de verb. significat.

d) L. 9. §. 12. L. 11. L. 13. princ. et §. 5. D. de heredib. instituend. §. 6. I. de heredib. instituend.

quippe cum omnes simul in eadem hereditate sint instituti iureque eodem ornati; 4) *Inter coheredes re et coheredes verbis coniunctos, si utrique ad eandem hereditatem concurrunt, haec ita distribuitur, ut singulis re coniunctis aequa pars cedat, ea vero, quae verbis coniunctis contingit, inter hos porro pro partibus cuique adiectis dividatur, quia coheredes verbis coniuncti, quando cum coheredibus re coniunctis concurrunt, omnes pro uno coherede re coniuncto habentur* <sup>c)</sup>, integra hereditas in tot partes, quot sunt heredes re coniuncti, secatur, et singuli coheredes verbis coniuncti suo iure in parte omnibus coniunctim tributa utuntur, veluti si quis in hunc modum testatus est: *Caius heres esto; Titius et Sempronius pro parte dimidia heredes sunt*, ubi duo coheredes re coniuncti numerantur, alter Caius, alter Titius et Sempronius simul, ac propterea hereditas in duas partes aequales separatur, una earum a Caio, altera vero a Titio et Sempronio simul capitur, et postrema inter Titium et Sempronium iuxta portiones dimidias a testatore cuique adiectas dividitur; 5) *Inter coheredes re et coheredes re et verbis sive mixtim coniunctos, quando utrique in eandem hereditatem concurrunt, haec ita dividitur, ut quisque re coniunctus aequam partem consequatur, et, quae ad coheredes re et verbis coniunctos pervenit, inter eos aequali lance distribuatur, verbi gratia, si testator dixit: Caius*

c) L. 11. L. 15. princ. D. de heredib. instituendis.



*heres esto; Titius et Sempronius heredes sunt, quo casu coheredes re et verbis coniuncti unum coheredem re coniunctum faciunt, proinde duo coheredes re coniuncti conveniunt, ob eos hereditas in duas partes aequales discinditur, una in Caium, altera in Titium et Sempronium simul transfertur, quorum iterum quisque aequalem suae partis portionem deportat; 6) Inter coheredes verbis et coheredes re et verbis sive mixtim coniunctos, ubi utriusque generis coheredes ad eandem hereditatem vocati sunt, haec ita distribuitur, ut cuiusvis generis coheredes coniunctim partem aequalem nanciscantur, et verbis coniuncti suam partem ad mensuram portionum a testatore assignatarum, mixtim vero coniuncti partem suam in duas portiones aequales inter se dividant, exempli causa, si testator pronunciavit: Caius et Sempronius pro parte dimidia heredes sunt; Sextus et Tullius heredes sunt, qua in specie coheredes verbis coniuncti unius, mixtim coniuncti alterius coheredis re coniuncti personam gerunt, hereditas integra in duas partes aequales seiungitur, una ad Caium et Sempronium, altera ad Sextum et Tullium transit, suam Caius et Sempronius ad normam partium a testatore definitarum, Sextus et Tullius suam aequis portionibus dividunt; 7) Inter coheredes re, coheredes verbis et coheredes re et verbis sive mixtim coniunctos, quando omnis generis coheredes in eadem hereditate sunt instituti, haec ita dividitur, ut cuiuslibet generis coheredes, re*

*coniuncti singulatim, verbis coniuncti simul et mixtim coniuncti itidem omnes aequalem partem adipiscantur, suam verbis coniuncti ad exemplum portionum a testatore determinatarum, et mixtim coniuncti suam aequis portionibus sibi distribuunt, veluti ubi tenor testamenti est: Attius heres esto; Caius et Sempronius pro parte dimidia heredes sunt; Sextus et Tullius heredes sunt, quo concursu Attius primum, Caius et Sempronius secundum, Sextus et Tullius tertium coheredem re coniunctum repraesentant, totam hereditatem in tres partes aequales dissecant, unam Attius solus, alteram Caius et Sempronius simul, et tertiam Sextus et Tullius coniunctim sibi habent, Caius et Sempronius suam pro partibus, quas testator praescripsit, Sextus denique ac Tullius suam portionibus virilibus distribuunt.*

§. 16.

A mensura, qua hereditatis divisio temperatur, exercitium iuris adcrescendi inter coheredes suspenditur. Hinc regulae enascuntur, quae ita audiunt: 1) *Coheredum sola re coniunctorum uno alterove deficiente, portio eius vacans reliquorum coheredum portionibus non vacantibus pro parte aequali adcrescit.* Quare, si testator dixit: Caius heres esto, Titius heres esto, Sempronius heres esto, atque Caius aut Titius, aut uterque deficit, portio Caii aut Titii aut utriusque vacans portioni aut Titii et Sempronii, aut Caii et Sempronii, aut denique solius Sempronii non vacanti ita adcrescit, ut in prima et

secunda specie pro parte dimidia singulis portionibus, et in tertia specie portioni, quae sola non vacat, integra cedat. Adquiritur vero portio vacans non vacanti ipso iure adeoque eo, qui coheres extitit, nolente <sup>f)</sup>; II) *Coheredum nonnisi verbis coniunctorum uno alterove deficiente, portio eius vacans portionibus reliquorum coheredum non vacantibus iuxta quantitatem partium, quas testator coheredibus postremis destinavit, adcrefcit.* Proinde testatore in hunc modum disponente: Caius, Titius et Sempronius heredes sunt, Caius in semissem, Titius in quadrantem et Sempronius in quadrantem, cum verbi causa Sempronius deficit, portionis vacantis duas tertias partes Caius, et unam tertiam partem Titius iure adcrefcendi acquirit. Neque refert, partes, quas quisque coheredum verbis tantum coniunctorum ex testatoris dispositione accipiat, sint aequales, an inaequales. Etenim eadem tenenda est proportio, qua testator partes distribuit. Igitur si duo coheredes verbis coniuncti in dimidia parte, vel tres in tertia parte singuli sunt instituti, portio vacans coheredis aequali modo auget portiones non vacantes, ideoque, duobus institutis, portio unius integra portionem alterius, et, si tres coniuncti sunt, portio unius portiones duorum reliquorum aequali lance amplificat; III) *Coheredum*

f) L. 53. D. de acquiren- L. un. §. 10. C. de caduc. tol-  
da vel omittenda hereditate. lend.

*re et verbis sive mixtim coniunctorum uno alterove deficiente, portio eiusdem vacans portionibus reliquorum non vacantibus pro aequalitate partium adcrefcit.* Testator exempli gratia ait: Lucius, Carus, Laelius et Ateius heredes funto. Deficiunt Lucius et Ateius; accedit utriusque portio vacans ad Cari atque Laelii portiones pro dimidia parte. Quoniam autem testator omnem hereditatem quatuor heredibus coniunctim relinqui decrevit, perinde est, ac si dicatur, totam hereditatem ab initio in partes dimidias separari, earumque alteram Caro, alteram Laelio deberi. Nec aliter causam decidi existimaveris, si eosdem coheredes re tantum coniungi supponas. Sive enim sola re, sive verbis simul coniungantur, singuli tamen in solidum instituti censentur. Quamobrem de utroque genere coheredum coniunctorum valebit Celsi interpretatio: *Coniunctim heredes institui, hoc est: totam hereditatem singulis datam esse, partes autem concursu fieri* <sup>g)</sup>. Hinc argumentari licet, concurrentibus coheredibus re vel mixtim coniunctis, ius adcrefcendi induere indolem iuris non decrefcendi. Hereditati itaque, ad quam Carus et Laelius vocati sunt, non tam adcrefcere, quam potius de ea non decrefcere videtur pars, quam Lucius et Ateius adquirere recusavit vel consequi non potuit; IV) *Coheredum partim re partim verbis coniunctorum*

g) L. 80. D. de legatis 3.



*uno alterove deficiente, portio coheredis re coniuncti vacans portionibus ceterorum coheredum re coniunctorum parte aequali, portio vero coheredis verbis coniuncti vacans portionibus reliquorum coheredum verbis coniunctorum secundum quantitatem partium a testatore definitarum, aut, si nulli eorum superstites sunt, portionibus coheredum re coniunctorum, qui supersunt, non vacantibus itidem aequali parte adcrescit. Coheredes, qui verbis aut re et verbis coniunguntur, Iustiniano monente <sup>h)</sup>, propter unitatem sermonis quasi in unum corpus rediguntur; qui vero nonnisi re coniunguntur, hi ipso testatoris sermone discernuntur. Illi in specie coniuncti, hi disiuncti nuncupantur. Illis hereditas coniunctivo, his disiunctivo modo relinquitur. Coheredes coniuncti, uno alterove eorum deficiente, ab exercitio iuris adcrescendi coheredes disiunctos excludunt. Sancivit enim Iustinianus <sup>i)</sup>: *Sin vero quidam ex heredibus institutis vel substitutis permixti sunt, et alii coniunctim, alii disiunctim nuncupati, tunc, siquidem ex coniunctis aliquis deficiat, hoc omnimodo ad solos coniunctos cum suo veniat onere, id est, pro parte hereditatis, quae ad eos pervenit. At cum disiunctis coheredibus, si quisquam eorum deficit, coniuncti simul ad usum iuris adcrescendi admittuntur,**

h) L. unic. §. 10. C. de caducis tollendis.

i) L. unic. §. 10. C. de caduc. tollend.

uti Iustinianus <sup>k)</sup> praecepit verbis: *Sin autem ex his, qui disiunctim scripti sunt, aliquid evanescat, hoc non ad solos disiunctos, sed ad omnes, tam coniunctos, quam etiam ad disiunctos similiter cum suo onere pro portione hereditatis perveniat.* Condidit testator ultimam voluntatem: Caius, inquit, heres esto, Titius heres esto; Sempronius et Maevius heredes funto, Sempronius in quadrantem, Maevius in unciam. Caius non fit heres; portio eius vacua iure adcrescendi Titio disiuncto pro parte dimidia, nec non Sempronio et Maevio coniunctis pro altera parte dimidia conceditur, quam uterque iuxta quantitatem quadrantis et unciae distribuit. Sempronio hereditatem non adeunte, vacua eius portio soli Maevio cedit, exclusis Caio et Titio disiunctis. Quando denique Sempronius et Maevius simul deficiunt, portiones ipsorum vacuae cum Caio et Titio disiunctis pro aequali parte communicantur; V) *Coheredum partim re partim re et verbis sive mixtim coniunctorum uno alterove deficiente, portio coheredis re coniuncti vacans portionibus reliquorum coheredum re coniunctorum aequa lance, portio item coheredis re et verbis sive mixtim coniuncti vacua portionibus ceterorum coheredum re et verbis sive mixtim coniunctorum aequali parte, et, si horum nullus superstes amplius est, portionibus coheredum re coniunctorum, quae non*

k) L. unic. §. 10. C. de caduc. tollend.

*vacarunt, pro parte aequali adcrefcit.* Coheredes, qui mixtim coniunguntur, in exercendo iure adcrefcendi quoad portiones fecum coniunctorum anteponuntur coheredibus, quos fola res univit, tanquam difiunctis, fed cum iisdem in portiones difiunctorum vacuas fimul concurrunt. Qua de caufa, ubi quis teftatus eft: Caius heres efto, Titius heres efto; Sempronius, Marcus et Sextus heredes funto, deficiente Caio, Titius itemque Sempronius, Marcus atque Sextus portionem Caii ita capiunt, ut dimidia pars Titio, reliqua Sempronio, Marco et Sexto coniunctim competat, inter eosdem aequalibus partibus iterum dividenda. Si Sempronius deficit, portio vacua penes Marcum et Sextum remanet, quorum quifque dimidiam partem fortitur. Quando vero accidit, ut omnes coniuncti, Sempronius quippe, Marcus atque Sextus deficiant, horum portiones vacantes portionibus difiunctorum coheredum Caii et Titii pro dimidiis partibus accedunt; VI.) *Coheredum partim verbis partim re et verbis five mixtim coniunctorum uno alterove deficiente, portio coheredis verbis coniuncti vacans portionibus reliquorum coheredum verbis coniunctorum fecundum partes a teftatore ipsis assignatas, portio vero coheredis re et verbis five mixtim coniuncti vacua portionibus ceterorum re et verbis five mixtim coniunctorum coheredum pro aequalitate partium, nec non cunctorum coheredum aut*

*verbis aut re et verbis sive mixtim cōiunctorum portiones vacantes portionibus aut mixtim aut verbis cōiunctorum coheredum non vacantibus iuxta partium, in quibus quisque institutus est, quantitatem adcre-  
scunt. Coheredes, quos testator verbis univit, a coheredibus, qui re et verbis cōiuncti sunt, separantur. Utrumque genus duos complectitur coheredes disiunctos, adeo, ut verbis cōiuncti pro una, mixtim cōiuncti pro altera habeantur persona. Verbis cōiuncti ius adcrefcendi inter se prae mixtim cōiunctis, et vicissim hi prae illis exercent, quamdiu vel unus coheres de suo genere superstes est, qui adeat hereditatem. Decedit testator relinquens testamentum sequentis argumenti: Caius, Titius et Marcus heredes sunt, Caius in trientem, Titius in quadrantem, Marcus in quincuncem; Sempronius, Tullius et Maevius heredes sunt. Caius, Titius et Marcus verbis tantum, Sempronius, Tullius et Maevius re et verbis sive mixtim cōiuncti sunt. Illi unum, hi alteram faciunt coheredem disiunctum. Deficit Titius; eius portio contingit Caio et Marco pro quantitate partium, quas testator singulis attribuit. Deficit Maevius; portio ipsius vacua acquiritur Sempronio et Tullio pro parte aequali. Deficiunt Caius, Titius et Marcus; eorum portiones vacantes portionibus Sempronii, Tullii et Maevii adcrefcunt, aequa lance cunctis distribuendae. His vero omnibus deficientibus,*



in portiones vacantes Caius, Titius et Marcus pro partium suarum quantitate succedunt; VII) *Coheredum partim re, partim verbis, partim re et verbis five mixtim coniunctorum uno alterove deficiente,*

1) *portio coheredis re coniuncti vacans portionibus reliquorum coheredum re coniunctorum aequali parte,*

2) *portio coheredis verbis coniuncti vacua portionibus ceterorum coheredum verbis coniunctorum iuxta partium quantitatem,*

3) *portio coheredis re et verbis five mixtim coniuncti vacans portionibus reliquorum coheredum mixtim coniunctorum aequa lance adcrefcit.*

Quot sunt coheredes re coniuncti, tot sunt coheredes disiuncti. Eodem censu verbis coniuncti, nec non coheredes re et verbis five mixtim coniuncti habentur, quoad cum singulis coheredibus re coniunctis concurrunt in hereditatem, quoniam verbis coniuncti pariter, atque mixtim coniuncti pro una persona reputantur. At coheredes verbis coniuncti, cum ius adcrefcendi inter se exercent, consortium singulorum coheredum re et mixtim coniunctorum excludunt. Pari iure praecipuo coheredes mixtim coniuncti inter se utuntur. Singuli denique coheredes, qui re uniuntur, coheredes verbis et mixtim coniunctos ad consortium iuris adcrefcendi necessario admittunt. Proinde si nemo ex coheredibus verbis aut mixtim coniunctis succedit, reliqui coheredes tanquam disiuncti iure adcrefcendi potiuntur. Ait testator: Aulus

heres esto, Caius heres esto; Davus in semissem, Fabius in sextantem et Gallus in trientem heredes sunt; Laelius, Maximus et Ofilius heredes sunt. Aulus et Caius sola re, Davus, Fabius et Gallus duntaxat verbis, Laelius, Maximus et Ofilius re et verbis tantum sive mixtim coniunguntur. Quod si 1) Aulus deficit, in portionem vacantem tres coheredes re coniuncti, qui sunt coheredes disiuncti, Caius quippe, Davus, Fabius et Gallus coniunctim, itemque Laelius, Maximus et Ofilius tanquam una persona aequali iure concurrunt; Davus, Fabius et Gallus tertiam partem sibi cessam ad proportionem semissis, sextantis et trientis, Laelius vero et Maximus Ofiliusque tertiam partem, quam allecuti sunt, aequa lance dividunt. 2) Davo deficiente, portionis vacantis Fabius et Gallus pro rata compotes fiunt. Quando 3) Maximus deficit, in portionem vacuam Laelius et Ofilius aequali iure succedunt. Cum 4) Davus, Fabius et Gallus deficiunt, portiones eorum vacantes in tres partes secantur, quarum una ab Aulo, altera a Caio, tertia a Laelio, Maximo et Ofilio capitur, haec vero rursus inter postremos aequalibus partibus distribuitur. Ubi 5) accidit, ut Laelius, Maximus atque Ofilius deficiant, horum portiones vacantes iterum in tres abeunt partes; una Aulo, altera Caio, tertia Davo, Fabio et Gallo coniunctim quidem debetur, sed ab

iisdem pro quantitate semissis, sextantis et trientis est dividenda.

## Caput V.

### *De iure adcrescendi inter collegatarios.*

#### §. 17.

*Collegatarii* vocantur, qui rei legatae consortio continentur. Consortii amplitudo determinatur singulari nexu, qui *coniunctio* collegatariorum nuncupatur. Haec causam habet ex ultima voluntate, quippe qua omne legatum disponitur. Vinculum, quo collegatarii coniunguntur, modo res, in cuius consortium collegatarii vocantur, modo verborum conceptio est, qua utitur auctor legati, modo in hac et in re simul conspicitur. Quocirca, uti coheredum, sic etiam collegatariorum tria genera distinguuntur, primum *re*, secundum *verbis*, tertium *re et verbis* sive *mixtim coniunctorum*. Collegatarii *re coniuncti* sunt, quibus eadem res in diversis propositionibus relicta est. Inteligitur autem vel res individua, veluti: Caio villam meam do lego, Titio eandem villam do lego, vel eadem rerum earundem quantitas, verbi causa: Sempronio centum aureos do lego, Sexto eosdem centum aureos do lego. Quare deest indoles coniunctionis realis, si testator dicit: Maevio quindecim solidos do lego, Tullio quindecim solidos do lego, quia utroque legato



eadem quidem quantitas, sed non iidem solidi comprehenduntur. Collegatarii II) *verbis coniuncti* accipiuntur illi, quibus res in una eademque quidem propositione, sed adiectis tamen partibus legata est, ut puta: Laelio et Seio domum meam dimidiis partibus do lego, aut: Quod Davus mihi debet, Marco et Quinto do lego, ita, ut Marcus bessem, Quintus trientem sibi habeat. Collegatarii III) *re et verbis* sive *mixtim coniuncti* intelliguntur, quibus eadem res in una eademque propositione absque partibus adiectis legata est, exempli gratia: Aulo et Maximo fundum meum do lego, vel: Caro et Ofilio quinquaginta modios tritici do lego.

### §. 18.

Regulae, secundum quas legatum inter collegatarios coniunctos dividi oportet, cum regulis conveniunt, quibus divisio hereditatis inter coheredes coniunctos regitur <sup>a)</sup>. Ius adcrescendi, quo collegatarii fruuntur, in praesumptione voluntatis testatoris nititur, ne res legata ad heredem perveniat. Cognoscitur haec voluntas ex coniunctione collegatariorum, qua testator ipsis legatum reliquit, nisi eos ab usu iuris adcrescendi decreverit abstinere. Suo autem arbitrio testator exercitio iuris adcrescendi collegatariis interdicat, quoniam,

a) Vid. supra Cap. IV. §. 15.



cessante iure adcrefcendi, res legata ad heredem, quem instituit, revertitur, neutiquam vero ad heredes legitimos transfertur, ideoque regula, neminem pro parte testatum pro parte intestatum decedere posse, nullatenus violatur. Quodsi testator haud impedivit, quominus ius adcrefcendi a collegatariis exerceatur, principia illa, quibus usus iuris adcrefcendi inter coheredes coniunctos temperatur<sup>b)</sup>, a collegatariis coniunctis merito observantur, ita tamen, ut portiones hereditariae, quae vacant, coheredibus insciis atque adeo invitis ipso iure, portiones vero legatorum vacuae collegatariis nonnisi volentibus, utrisque licet cum oneribus, quibus portiones illae a testatore gravatae sunt, contingant<sup>c)</sup>. Neque iure sibi vindicant collegatarii portiones vacantes, priusquam constet, veram eos intercedere coniunctionem. Hanc inter legatarios, qui verbis duntaxat coniuncti sunt, obtinere asseruerunt Hugo Donellus<sup>d)</sup>, Scipio Gentilis<sup>e)</sup> et Arnoldus Vinnius<sup>f)</sup>, si quidem testator partes quotas collegatariis relinquat; contrariam sen-

b) Vid. supra Cap. IV. §. 16.

c) L. 2. §. 8. D. de bonor. possessionib. secundum tabulas. L. 61. D. de legat. 2. L. unic. §. 10. et 11. C. de caducis tollendis.

d) Comment. Iur. Civ. Lib. VII. Cap. 13. Lib. VIII. Cap. 21.

e) Tractat. de iure accrescendi. Cap. VI. Oper. Tom. I. Neap. a. 1765. 4.

f) Comment. in Institut. Lib. II. Tit. XX. §. 8. n. 15. sq.

tentiam Samuelis de Cocceii <sup>g)</sup> et Bachius <sup>h)</sup> defenderunt; illi ius adcrescendi collegatariis verbis coniunctis competere adfirmarunt, hi omnino negarunt. Ait Ulpianus L. 34. §. 9. D. de legatis 1.: *Si coniunctim res legetur, constat, partes ab initio fieri. Nec solum hi partem faciunt, in quorum persona constitit legatum, verum hi quoque, in quorum persona non constitit legatum, ut puta, si Titio et servo proprio sine libertate.* Videtur Ulpianus innuere, legatarios singulos a testatore ad partes legati vocari, ita, ut eos in communione rei legatae versari nolit. Sed num hinc ratiocinaberis, Iurisconsultum de indole coniunctionis legatariorum, qui verbis tantum copulati sunt, dubitasse, usumque iuris adcrescendi inter collegatarios nonnisi verbis coniunctos reprobasse? Adversatur vox *coniunctim*, quae supponit, rem eandem pluribus personis legatam esse. Obest voluntas testatoris, ex qua rem pluribus legatariis relictam inter eosdem distribui oportet; quae quidem voluntas in cunctos collegatarios cadit, sive re, sive re et verbis, sive verbis tantum coniungantur. Obstat pronuntiatio Ulpiani §. 11.: *Si duobus (res) sit legata, quorum alter heres institutus sit, a semet ipso ei lega-*

g) Iur. Civil. controvers. Lib. XXX. XXXI. et XXXII. Quaest. IV. pag. 352. Francof. et Lipsiae. 1729. 4.

h) Io. Aug. Bach. Disput. de iure adcresc. §. 14. Lips. a. 1754. 4.

*tum inutiliter videtur, ideoque, quod ei a se legatum est, ad collegatarium pertinebit, nec non principio eiusdem Legis: Plane, ubi transferre voluit legatum in novissimum, priori non debetur, tametsi novissimus talis sit, in cuius persona legatum non constitit. At si coniuncti disiunctive commixti sint, coniuncti unius personae potestate funguntur, cum in utroque loco collegatariis coniunctis simpliciter, nullo coniunctionis discrimine facto, legati perceptio, quae sine divisione exitum consequi nequit, una cum iure adcrescendi adscribatur. Quare dubitatio de vera indole coniunctionis, quae collegatarios verbis tantum unitos intercedit, per Legem Ulpiani haud magis adiuvatur, quam dubitatio de exercitio iuris adcrescendi permissio. Scripsit porro Papinianus L. 11. D. de usu fructu adcrescendo: Cum singulis ab heredibus singulis eiusdem rei fructus legatur, fructuarii separati videntur, non minus, quam si aequis partibus duobus eiusdem rei fructus legatus fuisset. Unde fit, ut inter eos ius adcrescendi non sit. Duo, quibus fructus eiusdem rei legatur aequis portionibus, aut separati a testatore sunt aut coniuncti. Prius si fecit testator, veluti: Sempronio lego fructum agri mei, Tullio lego fructum eiusdem agri, utrique aequa portione, deest coniunctio, quia singuli ad singulam partem fructus sunt vocati: exulat proinde inter eos ius adcrescendi. Posterius si testator constituit, deest coniunctio propterea, quod singuli*



legatarii diversos habent heredes, a quibus legatum petant et impetrent, ceu verbis Legis 12. subsequentis ab Ulpiano indicatur: *Cum alius ab alio herede usufructum vindicat.* Nulla igitur hinc valet consecutio, auctore Papiniano collegatarios verbis coniunctos destitui iure adcrescendi. Aliam speciem Paulus interpretatur in Legis 15. §. 1. D. de legat. 1.: *Si quis, inquit, unam summam filiabus legaverit, ut etiam de posthuma sentiret, si ea non est nata, superstiti solidum debetur.* Legatarios coniunctos intelligi, manifestum est: neque latet, eos iure adcrescendi gaudere: sed quo genere coniunctionis comprehendantur, prorsus reticetur. Qua de causa ex sententia Pauli ad id, quod collegatarii verbis coniuncti arceantur ab usu iuris adcrescendi, argumentari non licet. Idem Paulus tradidit L. 89. D. de legat. 3.: *Re coniuncti videntur, non etiam verbis, cum duobus separatim eadem res legatur. Item verbis, non etiam re, Titio et Seio fundum aequis partibus do, lego, quoniam semper partes habent legatarii. Praefertur igitur omnimodo caeteris, qui et re et verbis coniunctus est. Quod si re tantum coniunctus sit, constat non esse potiore. Si vero verbis quidem coniunctus sit, re autem non, quaestionis est, an coniunctus potior sit? Et magis est, ut et ipse praeferatur.* Nominavit Paulus collegatarios, qui verbis iunguntur: his ipsis ius adcrescendi addixit, quia verbis sunt coniuncti. Deest

ergo ratio idonea, ob quam, iure Romano praeunte, *coniunctio* collegatariorum verbalis iusque adcrescendi cum ea confociatum negetur. Quin ipse Bachius profitetur<sup>1)</sup>, ius adcrescendi inter huiusce generis collegatarios in praxi esse receptum.

## C a p u t VI.

### *De legibus, sub quibus ius adcrescendi admittitur.*

#### §. 19.

Leges, quibus ius adcrescendi adstringitur, eae personarum et rerum conditiones sunt, sine quibus illud ius exerceri nequit. Redeunt omnes ad id argumenti, ut quis testamento condito vel ab intestato decesserit, plures heredes instituerit, aut a lege vocatos reliquerit, pluresque legatarios in ultima voluntate nominaverit; ut heredum unus pluresve adierint hereditatem, atque legatariorum unus alterve legatum agnoverit; ut heredum et legatariorum coniunctio ex re aut ex verbis aut ex re et verbis subsistat,

i) Disputat. antea commemorata. §. 18.



heredibus scilicet legitimis eiusdem gradus, penes quos successio in capita est, coheredibus re coniunctis, et, quibus successio in stirpem est, coheredibus re et verbis coniunctis omni modo equiparandis; ut unus pluresve ex coheredibus seu collegatariis coniunctis ideo, quod concurrere vel recusant vel non possunt, deficient; neve in hereditate facta sit substitutio, vel, quominus collegatarii iure adcrescendi potiantur, accesserit testatoris prohibitio; ut denique portiones coheredum ac collegatariorum vacantes portionibus non vacantibus, portiones vero collegatariorum, qui ad iura servitutum personalium vocati sunt atque defecerunt, personis reliquorum, non ipsorum partibus adcrecant. Proposuerunt enim, natura harum servitutum considerata, Papinianus L. 33. §. 1. D. *de usufructu et quemadmodum: Usufructum in quibusdam casibus non partis effectum obtinere convenit. Unde si fundi vel fructus portio petatur, et absolutione secuta postea pars altera, quae adcrevit, vindicetur, in lite quidem proprietatis iudicatae rei exceptionem obstare, in fructus vero non obstare, scribit Iulianus, quoniam portio fundi velut alluvio portioni, personae fructus adcresceret, et Ulpianus L. 10. D. de usufructu*

*adcrecendo: Interdum pars ususfructus et non habenti partem suam, sed amittenti, adcrescit. Nam si ususfructus duobus fuerit legatus, et alter lite contestata amiserit usumfructum, mox et collegatarius, qui litem contestatus non erat, usumfructum amisit, partem dimidiam duntaxat, quam amisit, qui litem contestatus est adversus eum, qui se liti obtulit, a possessore consequitur. Pars enim collegatarii ipsi adcrescit, non domino proprietatis. Ususfructus enim personae adcrescit, etsi fuerit amissus, nec non L. 1. §. 3. D. eod. Tit.: Interdum, tamen etsi non sint coniuncti, tamen ususfructus legatus alteri adcrescit: ut puta, si mihi fundi ususfructus separatim totius, et tibi similiter fuerit relictus. Nam, ut et Celsus Lib. 18. Digestorum, et Iulianus Lib. 35. scribit, concursu partes habemus. Quod et in proprietate contingeret. Nam, altero repudiante, alter totum fundum haberet. Sed in usufructu hoc plus est, quia et constitutus et postea amissus nihilominus ius adcrescendi admittit. Omnes enim auctores apud Plautium de hoc consenserunt: et, ut Celsus et Iulianus eleganter aiunt, ususfructus cottidie constituitur et legatur, non, ut proprietas, eo solo tempore, quo vindicatur. Cum primum itaque non inveniet*

*alter eum, qui sibi concurrat, solus utetur in totum: nec refert, coniunctim an separatim relinquatur, atque L. 3. §. 2. D. eod. Tit.: Non solum autem, si duobus ususfructus legetur, est ius adcrefcendi, verum et si alteri ususfructus, alteri fundus legatus est. Nam, amittente usumfructum altero, cui erat legatus, magis iure adcrefcendi ad alterum pertinet, quam redit ad proprietatem. Nec novum: nam et si duobus ususfructus legetur, et apud alterum sit consolidatus, ius adcrefcendi non perit, neque ei, apud quem consolidatus est, neque ab eo: et ipse, quibus modis amitteret ante consolidationem, iisdem et nunc amittet. Et ita et Neratio et Aristoni videtur, et Pomponius probat. Ex quibus legibus simul patet, collegatarium iure adcrefcendi uti posse, etiam si vel ipse partem ususfructus amiserit, vel alter collegatarius, qui deficit, antea usumfructum iam exercuerit. Unde est, quod Interpretes ius adcrefcendi in causa legati ususfructus adpellarunt personale.*

§. 20.

Defiderantur conditiones antea recensitae in speciebus, quas retulit Ulpianus in Legis 1. §. 4. D. de

*heredibus instituendis, ubi ait: Si ex fundo fuisset aliquis solus institutus, valet institutio, detracta fundi mentione, atque in Legis 9. §. 13. D. eod. Tit., cuius verba sunt: Si duo sint heredes instituti, unus ex parte tertia fundi Corneliani, alter ex besse eiusdem fundi, Celsus expeditissimam Sabini sententiam sequitur, ut, detracta fundi mentione, quasi sine partibus heredes scripti, hereditate potirentur, si modo voluntas patrisfamilias manifestissime non refragatur.* In prima specie testator unum solummodo heredem eundemque in parte bonorum suorum scripsit, de reliquis vero bonis nihil disposuit. In secunda specie duo quidem heredes, at nonnisi in una re instituti sunt, adiecta cuique eiusdem rei parte definita. Desunt igitur in prima specie coheredes, in secunda coheredes coniuncti. Quoniam tamen institutio in utraque specie a regula communi, quod nemo pro parte testatus pro parte intestatus decedere possit, longissime aberravit, bona hereditaria, quae pro verborum tenore destituta heredibus sunt, portionibus expressis secundum interpretationem legibus receptam adcrescunt. Capit itaque heres, ex fundo institutus, cum eo reliquam hereditatem; duo item heredes, ad partes fundi Corneliani vocati, integra

bona hereditaria vel aequali parte, vel, si secus testator in testamento disposuit, pro quantitate tertiae partis atque beſſis fundi Corneliani, quam testator ipse descripsit.



V I R O

PRAENOBILISSIMO ATQVE DOCTISSIMO

VINCENTIO GEORGIO AVGVSTO  
L V D W I G

S. . P. . D.

P R A E S E S.

*Legum promulgationem citius seriusve subsequuntur modo Iudicum modo Prudentum interpretationes; illorum quidem, cum causae sunt natae, quae a verbis aut mente legislatoris ullatenus discedunt; horum vero, quando de iure consulti et in tutelam litigii adsciti de eo, quod ex lege fieri oportet, dubitantes ambigunt, vel iura, quae legibus diversis constituta sunt, componunt atque ordine congruo connectunt. Iudices interpretantur, quo certior*

tutiorque eveniat legis adplicatio; Prudentes commentantur, ne lis adversante lege decidatur, neve de eo, quod iustum iniustumque est, amplius dubitetur lateatque legum certi generis nexus. Iudicium est, perscrutari rationes sanctionum et cognoscere verborum sensum, ne ipsorum decreta et decisiones a voluntate legislatoris aberrant; suae explicationi decernendo et iudicando inhaerentes usum fori condunt. Prudentum officium est, non solum, quid legibus praeceptum vetitumque aut permissum sit, ostendere, verum etiam modum et regulas utiliter demonstrare, quibus observandis in speciebus similibus, deficiente legis sanctione, agi ac procedi fas existimetur. Pari tramite Iurisconsulti Romani sub libera republica atque Principibus regnantibus ad metam officii sui progressi sunt; neque in Civitatibus, quae post Imperium Romanum altiores radices egerunt, Interpretes, qui illorum vestigia legerent, defuerunt. Romana Civitas legum supplementa Prudentibus suis debuit, quorum alteri post alteros aut eadem aut diversa iuris capita de-

scribebant, opiniones antecessorum examinabant, suis partim rationibus confirmabant, partim vero reprobabant, et principia iustitiae, quae per novissimam rerum conditionem flagitabantur, adiungebant. Neque alia via Interpretes inter populos recentiorum temporum Iurisprudentiae fines promoveri posse sibi persuaserunt, neque ab his dissenserunt, penes quos rerum publicarum potestas atque moderatio erat. Ad formulam societatis litterarum cum Interpretibus consortium, Vir Praenobilissime, iniisti, doctrinam iuris adcrescendi post alios denuo commentans, eo quidem consilio, ut, quae Legibus praescripta et a Commentatoribus tradita esse cognovisses, in epitomen contraheres continuoque sermone illustrares. Priorem epitomes partem laudabili exitu absolvisti; unde spes certissima est, fore, ut partem posteriorem eadem diligentiae, dexteritatis et utilitatis laude aliquando perficias. Fructibus laborum Tuorum, in Te optimosque Parentes Tuos, qui de Te merito gloriantur, largiter redundaturis, ut sal-

*vus sospesque perpetuo fruaris, exhinc Parentum  
Tuorum laetitia indies crescat, atque Patria  
scientiarum Tuarum adminiculo in suam salutem  
potiatur, sincero animo exopto.*

*Scripsi in Litterarum Universitate Lipsiensi,  
die 16. Martii, Anno 1817.*

---

